

मार्निंग डोगरी न्यूज बुलेटिन, समें. 09.20 Hrs

<><><><><><>

Headlines

1. उपराज्यपाल मनोज सिन्हा होंरें आखेआ जे जम्मू-कश्मीर च खेड्ढां शांति ते रमानदारी कायम करने, एकता ते भाईचारे गी बढ़ावा देने च सशक्त माध्यम दे तौर पर उभरिए सामने आइयां न।
2. मुखमंत्री उमर अब्दुल्ला होंरें जम्मू-कश्मीर दी सैलसफा सरबंधी समर्थ गी गुजरात च उजागर कीता। उनें Statu of Unity दा दौरा लाया। प्रधानमंत्री नरेंद्र मोदी होंरें उन्दे इस दौरे दा सोआगत कीता ते इसी एकता दा प्रतीक दस्सेआ।
3. उपमुखमंत्री उमर होंरें उधमपुर च इक हादसे च जान मुहाने आहले 2 अध्यापकें दे परौआर कन्नै मलाटी कीती ते मुश्कल दी इस घड़ी च सरकार आसेआ हर संभव सहायता दा भरोसा दोआया।
4. श्री बुड्ढा अमरनाथ जी दी जातरा रमानदारी कन्नै जारी, अमरनाथ जी दी जातरा करने आहले श्रद्धालुएं दा आंकड़ा 4 लकख गी पार करी गेआ।
5. जम्मू दे जिला मैजिस्ट्रेट होंरें पखेरूए थवां बचाs लेई ब्हाई अड्डे कश कचरा सुट्टने पर पाबंदी लाई ते खिलाफवर्जी करने आहलें खिलाफ सख्त कार्रवाई करने लेई गलाया।

<><><><><><>

LG-Sports

लेफ्टिनेंट गवर्नर मनोज सिन्हा हों आखेआ जे जम्मू-कश्मीर च खेड्ढां शांति, एकता ते युवाएं च भाईचारा कायम करने दा कम्म करदियां न। एह गल्ल उनें श्रीनगर च कश्मीर सुपर लीग-2025 दे क्वालीफायर 2 च शामिल होंदे होई आक्खी। खेड्ढें गी एकता ते युवा सशक्तिकरण दी निशानी आखदे होई उनें टूर्नामेंट गी खेड्ढें दे इतिहास च मील दा पत्थर दस्सेआ। उनें इस मौके पर खडारियें ते अधिकारियें कन्नै मुलाकात बी कीती ते जम्मू-कश्मीर स्पोर्ट्स काउंसल ते लीग प्रायोजकें दे जत्नें दी सराहना बी कीती। अपने संबोधन च एल.जी हों आखेआ।

<><><><><><>

CM-Gujrat

मुख्यमंत्री उमर अब्दुल्ला हों कल सैलसफा कन्नै जुड़े दे लोकें कन्नै गल्लबात आहले सत्र ते रोड शो दा उद्घाटन कीता। एहदे च गुजरात ते जम्मू-कश्मीर थमां सैलसफा कन्नै जुड़े दे सरबन्धी धड़े शामिल होए। एहदा मकसद बपार-कारोबार, नमिएं काहडें कन्नै जुड़े दे लोकें गी बढ़ावा देना ऐ। मुख्यमंत्री हों गुजरात दे निवेशकें गी जम्मू-कश्मीर च उपलब्ध संभावनाएं गी तलाशने लेई गलाया ते निवेशकें मूजब माहौल दा भरोसा दोआया। अपने गुजरात दौरें दरान मुख्यमंत्री उमर अब्दुल्ला हों 'स्टैच्यू ऑफ यूनिटी' दा दौरा लाया ते सरदार वल्लभभाई पटेल हों गी श्रद्धांजलि भेंट कीती। मीडिया कर्मियें कन्नै गल्ल करदे होई उनें आखेआ।

तोआई, प्रधानमंत्री नरेंद्र मोदी होंरें मुखमंत्री उमर अब्दुल्ला हुंदे गुजरात दौरें पर खुशी जाहिर कीती ते आखेआ जे 'स्टैच्यू ऑफ यूनिटी' दा उमर हुंदा दौरा मुख दे बाकी हिस्सें दे लोकें गी बी उत्थे औने लेई प्रेरित करोग।

<><><><><><>

DC/CM Condolences

उपमुखमंत्री सुरिंद्र चौधरी होंरें जिला उधमपुर दे घोरडी ब्लॉक दा दौरा लाया ते सनासर कश जलेबी मोड़ थाहर पेश आए दे हादसे च मारे गेदे 2 सरकारी अध्यापकें दे परौआर कन्नै मलाटी कीती ते सौगी परौआर कन्नै हमदर्दी जताई। जगदेव सिंह ते संजय कुमार दवें घोरडी दे रौहने आहले हे ते मुकामी प्राइमरी स्कूल च अध्यापक हे। उपमुखमंत्री होंरें परौआर कन्नै दुख ते बसोस जाहिर कीता ते भरोसा दोआया जे मुश्कल दी इस घड़ी च सरकार हर संभव सहायता उपलब्ध करोआग। उनें आखेआ।

<><><><><><>

CS-NCORD

मुख सचिव अटल डुल्लू होंरें राश्ट्रीय नारकोटिक्स समन्वय यानि NCORD दी केंद्र शासित प्रदेश स्तर दी 14मीं बैठक च जम्मू-कश्मीर च नारकोटिक्स समेयान ते मादक द्रव्यें दे सेवन दा जायजा लैता। उनें एन.डी.पी.एस दी समेंसिर ते गुणवत्तापूर्ण जांच उप्पर जोर पाया ते हर म्हीने एहदे सरबन्धी प्रगति रिपोर्ट जारी करने लेई आखेआ। इस बैठक दरान दस्सेआ गेआ जे इस बरे इक जहार थमां मते एन.डी.पी.एस मामले दर्ज कीते गे न ते 1416 लोकें गी नशीले

पदार्थे दी तस्करी च गिरफ्तार कीता गेआ ऐ। सरकार नशामुक्त सुविधाएं गी बधाने ते इस सरबंघे च पुलस गी ट्रेनिंग देने दा कम्म करा'रदी ऐ। नशा तस्करी च कड़ी निगरानी करदे होई ते नमी योजना बनांदे होई मुख सचिव होरें आखेआ जे नशा तस्करी गी भलेआं बर्दाश्त नेई कीता जाग। उनें गलाया जे सब्बे मिलियै नशे दे इस प्रकोप गी समाज थमां मुक्त करोआने च जत्न करडन।

<><><><><><>

Kathua Women Invitation

कठुआ दी ग्रामीण महिला रमा सरोच जेड़ियां लक्खपति दीदी न, होरें गी स्वतंत्रता दिवस ते राष्ट्रपति भवन च आयोजित होने आहले कार्यक्रम At-Home लेई साद्दा दिता गेआ ऐ। उंदे तगर एह साद्दा आधिकारिक तौर पर कठुआ हेड पोस्ट आफिस दी टीम नै पजाया। रमा होरें इस साद्दे पर खुशी जाहिर कीती। ते राष्ट्रपति ते प्रधानमंत्री हुंदे आसेआ दिते गेदे इस सम्मान लेई आभार जताया। उंदी जातरा महिला सशक्तिकरण दी मसाल ऐ। अपनी खुशी जाहिर करदे होई रमा होरें आखेआ।

<><><><><><>

Buddha-Amarnath

13 दिनें दी श्री बुड्ढा अमरनाथ जी दी जातरा सुचारू ढंगे सिर जारी ऐ। जम्मू दे भगवती नगर आहले आधार शिविर थमां बड्डलै 1 जहार 352 श्रद्धालुएं दा जत्था 27 गड्डिएं च पुंछ लेई रवाना होआ। इस जत्थे च 892 मर्द, 434 महिलां ते 26 बच्चे शामिल हे। तोआई,

अमरनाथ जातरा आस्तै अज्ज जम्मू थमां कोई बी जत्था रवाना नेई होआ। अमरनाथ जातरा कल बालटाल थमां परतियै शुरू कीती गई। एह रस्ता खराब मोसम दी बजह कन्नै बंद कीता गेआ हा। तोआई पहलगाम आहले रस्ते थमां एह जातरा रख-रखाव आहले कम्मै दे चलदे अजें बी बंद ऐ। इस बरें अमरनाथ जातरा च 4 लकख थमां बद्द श्रद्धालुएं पवित्तर गुफा च मत्था टेकी लैते दा ऐ। एह श्रद्धालु भारत दे बक्ख-बक्ख थाहरें थमां श्री अमरनाथ जी दी पावन जातरा आस्तै आए न। अपनी जातरा दा अनुभव सांझा करदे होई जात्रिएं आखेआ।

<><><><><><>

Haj Date Extended

हज 2026 आस्तै आवेदन करने दी खीरी तरीक बदाइए 7 अगस्त 2025 तगर करी दिती गई ऐ। सारे आवेदकें कश भारती पासपोर्ट 7 अगस्त जा फी ओदे थवां पैहले दी तरीक दा होना लोइचदा जेदी वैद्यता 31 दिसंबर 2026 तगर होनी लोड्यचदी। इच्छुक आवेदक हज कमेटी दी अधिकारिक वेबसाइट पर ऑनलाइन आवेदन करी सकदे न। लोक 'हज सुविधा ऐप' राएं बी आवेदन करी सकदे न। आवेदकें गी आखेआ गेआ ऐ जे ओह सरबंधी नीति ते दिशा-निर्देशें गी ध्यानै नै पढ़न ते अपनी दरखास्त जमा करोआन।

<><><><><><>

DC-Jammu Airports

बहाई ज्हाजें दी सुरक्षा गी यकीनी बनाने दे मकसद कन्नै जम्मू दे जिला मैजिस्ट्रेट सचिन कुमार वैश्या होरें जम्मू बहाई अड्डे दे इक किलोमीटर दे दायरे च दफा 163 लागू कीती ऐ जेदे

तैहत इत्थे कचरा सुट्अने पर पूरी चाल्ती पाबंदी होग। एहू गैंस डोआरिएं दी सुरक्षा गी यकीनी बनाने लेई पुट्टी गई ऐ। बेलीचराना, सतवारी, मीरां साहिब ते फलाएं मंडाल जनेह इलाके खासे प्रभावित होए न। सरबंधी लोकें गी आखेआ गेआ ऐ जे ओहू इत्थुआं कचरे गी हटान, साइन बोर्ड लान, घर-घर जाइए कचरा किट्ठा करन। इस इलाके च कचरे करी पखेरूएं दी गतिविधि बदी गेदी ऐ जेड़ी डोआरी लेई खतरा होई सकदी ऐ। आदेश दी सख्ती कन्नै पालमा करने लेई ते एहदी खिलाफवर्जी करने आहलें खिलाफ सख्त गैंस पुट्टने लेई आखेआ गेआ ऐ।

<><><><><><>

Aakansha-Haat

जिला प्रशासन रामबन आसेआ ओंटी 2 अगस्त गी दपैही 2 बजे थमां रामबन दे टी-चौक आहले सामुदायिक हॉल च 7एं दिनें दे आकान्शा हॉट मेले दा आयोजन कीता जाहग। इस मेले दरान बक्ख-बक्ख मैहकमें आसेआ अपने पंडाल, नमैशां ते मुकामी उत्पादें दी बिक्री वगैरा दा सरिस्ता कीता जाहग। एहदे अलावा मौके पर गै लोकें गी बक्ख-बक्ख सार्वजनिक सेवाएं दी दस्तयाबी बी जकीनी बनाई जाहग। जिला प्रशासन नै सब्भनें लोकें गी इस कार्यक्रम च हिस्सा लैने दा साद्दा दिता ऐ कीजे मते लोकें दी शमूलियत नां छड़ा इस मेले गी कामयाब बनाग सगुआं एहदे राहें जिले च लोक कल्याण ते समग्र विकास दी दिशा च बी जोगदान थहोग। इस बारै आकाशवाणी समाचार कन्नै गल्ल करदे होई मच्छी पालम मैहकमे दे सहायक निदेशक Attaullah Khan होरें आखेआ।

<><><><><><>